



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1525. usque ad annum 1529

Fleury, Claude

August. Vind. [u.a.], 1769

VD18 90118480

§. 10. Münzerus in latibulo suo repertus.

[urn:nbn:de:hbz:466:1-66472](https://nbn-resolving.org/urn:nbn:de:hbz:466:1-66472)

Frankhusium sese receperunt. Parta Sæc. XVI.
 est hæc victoria die decima quinta Maji A.C. 1525.
 Anno salutis millesimo quingentesimo
 vigesimo quinto.

§. X.

*Münzerus in latibulo suo re-
 pertus.*

Münzerus ad urbem profugus in qua- Sleid. l. cit. p. 140.
 dam domo prope civitatis portam
 delituit: cum vero ibidem quidam No-
 bilis diversaretur, ejus famulus quem-
 dam Virum lecto decumbentem in quo-
 dam cubiculo reperit. Hic, quamvis
 unius hominis occurfu minime terreri
 debuisset, nihilominus sollicitè ex eo
 sciscitabatur, quis esset? num & ipse ex
 seditionum numero foret, ac ex prælio
 fuga sese abstulisset? Ad hæc Münze-
 rus reposuit, se in hac æde diuturna ad-
 modum febri oppressum detineri. Ca-
 su autem accidit, ut famulus supra
 lectum ementiti hujus infirmi marsu-
 pium cerneret, quod ille mox arripiens
 aperuit, ibique literas reperit, quas o-
 lim Albertus Mansfeldius Comes Mün-
 zero scripserat, eum hortatus, ut i-
 psius ditionem deprædari, subditosque
 ad seditionem concitare desisteret. Per-
 specta hac epistola Famulus ad Mün-
 zerum inquit, tunc es ille, cui hæc lite-
 ræ

Sæcul. XVI
 A. C. 1525
 ræ sunt inscriptæ? ille autem respon-
 dit; non ad me directæ sunt. Verum
 cum Famulus Münzerum perplexum
 hærere, factique veritatem mendacio
 eludere probe cognosceret, illum mōx
 carceri dandum in cubiculo includere
 statuit. Münzerus, cum sibi omnem e-
 labendi spem præcisam cognosceret, no-
 men suum famulo manifestavit, ne
 tamen proderetur, summis precibus in-
 stitit, quas tamen famulus flocci habuit;
 quocirca Münzerus nulla mora com-
 prehensus, ad Georgium Saxonix Duce-
 m, necnon ad Hassiæ Landgravium
 abducitur, qui eum imprimis interro-
 gabant, quam ob causam tot homines
 adeo nequiter seduxerit? ad hæc re-
 spondit Münzerus, „ quæ partium mea-
 „ rum erant, executus sum; ita enim
 „ reprimendi sunt Magistratus, qui Ev-
 „ angelii doctrinæ adversantur. „ Hoc
 dicto ad munitissimam Mansfeldii Co-
 mitis arcem *Hilderung* dictam abdu-
 citur, ubi tormentorum vi ad proden-
 dos seditionis socios compellebatur.
 Tandem vero Mulhusium ductus una-
 cum Pfeiffero capite plexus est, pari
 supplicio multatis præcipuis Rebellio-
 nis auctoribus, qui in prælio victorum
 gladios evaserant.